



# ইমাম বুসিরী (রহ)-এর কাঙ্গীদ-ই-বুতদা

কাব্যানুবাদ

মুহাম্মদ রাহুল আমীন খান

মদীনা পাবলিকেশন্স

৩৮/২ বাংলাবাজার, ঢাকা-১১০০

“আল কাওয়াকিবুদ দুরবিয়াহ ফী মাদহি খায়রিল বারিয়াহ” বিশ্বনবী হযরত মুহম্মদ (সঃ)-এর প্রশংসায় রচিত এক সুদীর্ঘ আরবী কবিতা। বিশ্ববিখ্যাত এ কবিতা ‘কাসীদা-এ-বুর্দা’ নামে সুপরিচিত। ইমাম বুসিরী (রহ) এর রচয়িতা। তাঁর পুরো নাম শেখ আবু আবদুল্লাহ শরফুদ্দিন মুহম্মদ ইবনে সাঈদ ইবনে হাম্মাদ ইবনে আবদুল্লাহ বুসিরী (রহ)। মিসরের বুসির নামক জনপদে তাঁর জন্ম। এই বুসির থেকে ইমাম বুসিরী নামে তিনি খ্যাতি লাভ করেন। হিজরী ৬০৮ সালের ১লা শাওয়াল মৃত্যুরিক ইং ১২১৩ সালের ৭ মার্চ তাঁর জন্মতারিখ। ১২৯০ সালে কায়রো নগরীতে তিনি ইন্তেকাল করেন।

ইমাম বুসিরী ছিলেন বহু ভাষায় সুপণ্ডিত, সাহিত্যিক ও একজন প্রথিতযশা কবি। একজন কামিল বুয়র্গ হিসেবেও তিনি মুসলিম জাহানে সুপরিচিত। তিনি প্রচুর কবিতা রচনা করেছেন। তবে ‘কাসীদা-এ-বুর্দাই তাঁকে অমর করে রেখেছে।

### কাসীদা-এ-বুর্দা রচনার মূল প্রেরণা

কবি এক সময় পক্ষাঘাতে আক্রান্ত ও সম্পূর্ণ অচল হয়ে বিছানায় আশ্রয় নেন। বহু চিকিৎসার পরেও আরোগ্য লাভে ব্যর্থ হয়ে অবশেষে তিনি বিশ্বনবী (সঃ)-এর প্রশংসায় একটি কাসীদা লিখে তাঁর উছিলায় আল্লাহ পাকের দরবারে রোগমুক্তির প্রার্থনা করার নিয়ত করেন। কাসীদা রচনা সমাপ্ত হলে তিনি এক জুম্মার রাতে পাক-পবিত্র হয়ে এক নির্জন ঘরে প্রবেশ করেন এবং গভীর মনোযোগে ভক্তিভরে কাসীদা আবৃত্তি করে থাকেন। আবৃত্তি করতে করতে তিনি ঘুমিয়ে পড়েন। এ অবস্থায় তিনি স্বপ্নে দেখেন, সমগ্র ঘর আলোকে উদ্ভাসিত হয়ে গেছে এবং প্রিয়নবী (সঃ) সেখানে শুভাগমন করেছেন। কবি আনন্দে আত্মহারা হয়ে পড়েন এবং স্বপ্নাবস্থায় প্রিয়নবী (সঃ)-কে কাসীদা আবৃত্তি করে শুনাতে থাকেন। আবৃত্তি করতে করতে যখন কাসীদার শেষের দিকের একটি পংক্তি পর্যন্ত পৌঁছেন যেখানে বর্ণনা করা হয়েছে “কাম আবরাআত আসিবান”—“কত চিররুগ্ন ব্যক্তিকে নিরাময় করেছে প্রিয়নবীর পবিত্র হাতের স্পর্শ” তখন প্রিয়নবী (সঃ) তাঁর হাত মোবারক দিয়ে কবির সমগ্র দেহ মুছে দেন এবং তিনি খুশী হয়ে নিজ গায়ের নকশাদার ইয়ামনী

চাদর দিয়ে তাঁকে ঢেকে দেন। স্বপ্ন ভেঙ্গে যায়। তাকিয়ে দেখেন প্রিয়নবী নেই। তবে কবি সম্পূর্ণ রোগমুক্ত এবং নবীজীর প্রদত্ত চাদর তার গায়ে জড়ানো। তিনি আল্লাহর শোকর আদায় করলেন। প্রভাতে উঠে তিনি বাজারের দিকে হাঁটতে লাগলেন। পথিমধ্যে দেখা হল এক দরবেশের সঙ্গে। দরবেশ বললেন, আপনি নবী (সঃ)-এর প্রশংসায় যে কাসীদা রচনা করেছেন আমাকে তা একটু শুনান। কবি বললেন, আমি এ বিষয়ে অনেক কবিতা লিখেছি, আপনি কোন্টি শুনতে চান? দরবেশ কাসীদা-এ-বুরদা'র প্রথম চরণটি আবৃত্তি করে বললেন, এইটি। বিস্ময়াভিভূত কবি বললেন, আপনি কোথায় পেলেন, আমি তো এখনও এ কবিতা কাউকে দেখাইনি। দরবেশ বললেন, গতরাতে যখন আপনি এ কাসীদা প্রিয়নবী (সঃ)-কে আবৃত্তি করে শুনাচ্ছিলেন তখন আমি সেখানে উপস্থিত থেকে তা শুনছিলাম। কেবল আমি নই, তখন তখনই এ কাসীদা আল্লাহ পাক তাঁর বিশেষ বিশেষ বান্দাদের নিকট পৌঁছে দিয়েছেন। এভাবে অত্যাশ্চর্যকালের মধ্যে এ কাসীদা এবং এর কারামত সর্বত্র ছড়িয়ে পড়ে ও মানুষ এর দ্বারা বিপদে-আপদে নানাভাবে উপকৃত হতে থাকে। সে থেকে আজ পর্যন্ত সারা বিশ্বে অত্যন্ত ভক্তি ও সম্মানের সাথে এ কাসীদা পঠিত ও সমাদৃত হয়ে আসছে। বিভিন্ন ভাষায় গদ্যে ও পদ্যে এর বহু অনুবাদ হয়েছে।

### কাসীদার বৈশিষ্ট্য

ভাব, ভাষা ও ছন্দে এ এক রসোত্তীর্ণ ও কালোত্তীর্ণ কবিতা। অলঙ্কারে, উপমা, উৎপ্রেক্ষা ও আধগিকে আশ্চর্য সফল, সাবলীল, প্রাণময় এ কাসীদা শ্রুতিমধুর ও সুখপাঠ্য।

কবিতার চরণকে আরবী ভাষায় বলা হয় মিসরা। দু' দু' মিসরা নিয়ে গঠিত হয় একটি বয়াত বা শ্লোক। এভাবে বহু বয়াতের সমাহার সুদীর্ঘ কবিতার নাম কাসীদা। কাসীদা-এ-বুরদা ১৬৫ শ্লোকবিশিষ্ট এমনি এক সুদীর্ঘ কবিতা। এতে রয়েছে ১০টি অধ্যায়। প্রিয়নবী (সঃ) এ কবিতা শুনে কবিকে নকশাদার চাদর দান করেছিলেন বলে এর নাম হয়েছে 'কাসীদা-এ-বুরদা।' 'বুরদাতুন' শব্দের অর্থ নকশাদার চাদর। নকশাদার চাদরের মত এ কবিতায়ও রয়েছে বিষয়-বৈচিত্র্য, ভাষার সূক্ষ্ম কারুকার্য—এজন্য এর নাম 'কাসীদা-এ-বুরদা'—এ অভিমতও ব্যক্ত করেছেন কেউ কেউ। অনুবাদে মূল আরবী ছন্দ অনুসরণের চেষ্টা করা হয়েছে।

### ওজিফা হিসাবে কাসীদা শরীফ পাঠের নিয়ম

কিবলামুখী হয়ে বসে কাসীদা পাঠের শুরুতে ও শেষে ১৭ বার করে নিম্নলিখিত দরুদ শরীফ পাঠ করতে হবে :

اَللّٰهُمَّ صَلِّ عَلٰى سَيِّدِنَا مُحَمَّدٍ النَّبِيِّ الْاَمِيِّ وَ  
عَلٰى اٰلِهٖ وَاَصْحَابِهٖ وَبَارِكْ وَسَلِّمْ

অর্থাৎ হে আল্লাহ, সাইয়্যেদেনা মুহম্মদ (সঃ) তাঁর বংশধর ও সাহাবীগণের প্রতি শান্তি, করুণা ও বরকত নাযিল করুন।

এরপর নিম্নোক্ত বয়াত পাঠ করে কাসীদা পাঠ শুরু করতে হবে :

بِسْمِ اللَّهِ الرَّحْمَنِ الرَّحِيمِ

## الفصل الاول

فِي ذِكْرِ عَشْقِ رَسُولِ اللَّهِ صَلَّى اللَّهُ عَلَيْهِ وَسَلَّمَ

الْحَمْدُ لِلَّهِ مُنْشَى الْخَلْقِ مِنْ عَدَمٍ  
تَمَّ الصَّلَاةُ عَلَى الْمُخْتَارِ فِي الْقَدَمِ  
مَوْلَايَ صَلِّ وَسَلِّمْ دَائِمًا أَبَدًا  
عَلَى حَبِيبِكَ خَيْرِ الْخَلْقِ كُلِّهِمْ

বিশ্বনবীর প্রতি প্রেম

①  
أَمِنْ تَذَكُّرٍ جِرَانٍ بِذِي سَلَمٍ  
مَزَحَتْ دَمْعًا جَرَى مِنْ مَقْلَةٍ بِدَمٍ

১. 'সলম' বনে পড়শিগণের  
বিয়েগব্যথা স্মরণ করে  
নয়ন যুগল হতে কি ওই  
রক্তমাখা অশ্রু ঝরে?

তরজমা : বিশ্ব নিখিল নাস্তিক থেকে  
গড়লো যে তাঁর সব গুণ-গান  
হাজার সালাম সন্তাকে সেই  
সৃষ্টিকুলের শ্রেষ্ঠ মহান।

সৃষ্টিকুলের শ্রেষ্ঠতম  
তোমার প্রিয় সখার পরে  
সালাত সালাম পাঠাও গো রব  
যুগ থেকে যুগ যুগান্তরে।

أَمَّهَبَتِ الرِّيحُ مِنْ تِلْقَاءِ كَاظِمَةٍ  
وَأَوْمَضَ الْبَرْقُ فِي الظُّلُمَاءِ مِنْ إِضْمٍ

২. দূর 'কাজেমা'র প্রান্ত হতে  
মাতাল হাওয়া বইছে কিরে  
কিংবা 'এজাম' গিরির কোলে  
বিজলি হাসে আঁধার চিরে?

فَمَا لِعَيْنَيْكَ إِنَّ قُلْتَ أَكْفَاهُمَا  
وَمَا لِقَلْبِكَ إِنَّ قُلْتَ اسْتَفَقَ بِهِمْ

৩. বারণ করি যতোই আমি  
ততোই আঁসু বারায় আঁখি  
ততোই হিয়া হয় পেরেশান  
যতোই নিষেধ করতে থাকি।

أَيَحْسَبُ الصَّبُّ أَنَّ الْحُبَّ مِنْكُمْ  
مَا بَيْنَ مُنْجِمٍ مِنْهُ وَمُضْطَرِمٍ

৪. বাঁধনহারা আঁসুর ধারা  
প্রণয় ব্যাকুল তাপিত মন  
প্রেমের সুধা সুপ্ত এতেই  
বুঝে কি তা প্রেমিক সূজন?

لَوْلَا الْهَوَى لَمْ تَرْقِ دَمْعًا عَلَى طَلَلٍ  
وَلَا ارْقَتَ لِيَذْكُرَ الْبَانَ وَالْعَلَمَ

৫. নাইবা হলে আশেক তবে  
কেন বিজন টিলার পরে  
'আলমগিরি' 'বান' বিটপী  
স্মরে এমন অশ্রু বারে?

فَكَيْفَ تُنْكِرُ حُبًّا بَعْدَ مَا شَهِدْتَ  
بِهِ عَلَيْكَ عُدُولُ الدَّمْعِ وَالسَّقَمِ

৬. মিছেই কেবল করছো গোপন  
প্রেম অস্বীকার করছো মিছে  
সজল আঁখি, কঠিন পীড়া  
দাঁড়ানো দুই সাক্ষী পিছে।

وَأَثَبَتِ الْوَجْدُ خَطِيئَةَ وَضْنِي  
مِثْلَ الْبَهَارِ عَلَى خَدَيْكَ وَالْعَنَمِ

৭. পীড়ার ক্ষত, অশ্রুধারা  
দুই আলামত সর্বনেশে  
হলদে কুসুম, রক্তজবা  
রয়েছে দুই গণ্ডদেশে।

نَعَمْ سَرَى طَيْفٌ مِنْ أَهْوَى فَارَقْنِي  
وَالْحُبُّ يَعْتَرِضُ اللَّذَاتِ بِالْأَلَمِ

৮. পেলাম সখার মধুর পরশ  
নিদ্রা কোলে বিভোর যখন  
মনের আগুন বাড়লো দ্বিগুণ  
ভাঙতেই সে মধুর স্বপন।

يَا لَأَنَّمِي فِي الْهَوَى الْعَذْرَى مَعْدَرَةً  
مِنِّي إِلَيْكَ وَلَوْ أَنْصَفْتَ لَوَقَلْتُ

৯. 'উজড়া' সম গভীরতর  
জানলে আমার প্রণয় মীড়ে  
করতে না আর বেইনসাফি  
বিধতে না আর নিন্দা তীরে।

عَدَّتْكَ حَالِي لِأَسْرَى بِمُسْتَرٍ  
عَنِ الْوُشَاةِ وَلَا دَائِي بِمُنْسَجِمٍ

১০. প্রেমিক হলেই স্বাদ পেতে মোর  
এই নিদারুণ মর্ম জ্বালার  
বুঝতে তখন নেই উপশম  
তীব্রতর এই বেদনার।

مَحْضَتْنِي النَّصْحَ لَكِنْ لَسْتُ أَسْمَعُ  
إِنَّ الْمُحِبَّ عَنِ الْعُدَالِ فِي صَمٍّ

১১. ভালোবাসা ভুলতে আমায়  
যতোই খুশী বলতে পারো  
মিছে সবই, আশেক বধির  
লয়না কানে মস্ত্র কারো।

إِنِّي أَتَهَمْتُ نَصِيحَ الشَّيْبِ فِي عَذْلِي  
وَالشَّيْبُ أَبْعَدُ فِي نَصَحٍ عَنِ التُّهْمِ

১২. প্রবীণতার সং উপদেশ  
যতোই ভাবো সর্বনেশে  
মন্দ কিছু নেই আসলে  
'তুলহায়াতে'র উপদেশে।

## الفصل الثاني

فِي مَنَعَ هَوَى النَّفْسِ

প্রবৃত্তির তাড়না

فَإِنَّ أَمَارَتِي بِالسُّوءِ مَا تَعَظَّتْ  
مِنْ جَهْلِهَا بِنَذِيرِ الشَّيْبِ وَالْهَرَمِ

১৩. জ্ঞান ধীষণায় শীর্ণ জীর্ণ  
'দুষ্টমতিআত্মা' আমার  
লয়নি কানে সং উপদেশ  
'তুলহায়াতী' অভিজ্ঞতার।

وَلَا أَعَدَّتْ مِنَ الْفَعْلِ الْجَمِيلِ تَرَى  
ضَيْفِ الْمَرَأْسِي غَيْرِ مُحْتَشِمِ

১৪. জরা নামের সেই অতিথি  
এলো যখন দেহের ঘরে  
নেক আমলের অর্ঘ্য দানি  
লইনি তারে বরণ করে।

لَوْ كُنْتُ أَعْلَمُ إِنِّي مَا أَوْفَرُهُ  
كُتِمْتُ سِرًّا بَدَأَ إِلَيَّ مِنْهُ بِالْكُتْمِ

১৫. সেই অতিথি আপ্যায়নের  
নেই ক্ষমতা জানলে পরে  
আমার সকল গুণ বিষয়  
রেখে দিতাম গোপন করে।

مَنْ لِي بِرَدِّ جِمَاحٍ مِنْ غَوَايَتِهَا  
كَمَا يُرَدُّ جِمَاحُ الْخَيْلِ بِاللِّجَمِ

১৬. পাগলা ঘোড়া এই বেয়াড়া  
মনটাকে মোর ভবঘুরে  
বশে এনে কে দেবে হায়  
নিপুণভাবে বল্গা জুড়ে।

فَلَا تَرْمِ بِالْمَعَاصِي كَسْرَ شَهْوَتِهَا  
إِنَّ الطَّعَامَ يَقْوَى شَهْوَةَ النَّهْمِ

১৭. তুষ্ট কভু হয় না যে মন  
পাপের পথে, কলুষ দ্বারা  
ভোজন বিলাস লোভকে করে  
তীক্ষ্ণতর বল্গা হারা।

وَالنَّفْسُ كَالطِّفْلِ إِنْ تَهْمَلَهُ شَبَّ عَلَى  
حُبِّ الرِّضَاعِ وَإِنْ تَقْطِطُهُ يَنْفَطِمِ

১৮. 'দুষ্টমতিআত্মা' যে ঠিক  
দুগ্ধপায়ী শিশুর মত  
বাগড়া না দাও—বাড়বে তবু  
দুগ্ধ পানেই থাকবে রত।

فَاصْرِفْ هَوَاهَا وَحَازِرَانَ تَوَلَّيَهُ  
إِنَّ الْهَوَى مَا تَوَلَّى يُصِمُّ أَوْ يَصِمِ

১৯. দমন কর রিপু নিচয়  
টেনে ধরো কামনা রাস  
বানিয়ে নিলে প্রভু তাকে  
করবে তোমায় সমূলে নাশ।

وَرَاعِيهَا وَهِيَ فِي الْأَعْمَالِ سَائِمَةٌ  
وَأَنَّ هِيَ اسْتَحَلَّتِ الْمَرْعَى فَلَا تَسِيءُ

১৭ ৮

২০. চারণভূমে চলার কালে  
কঠোরভাবে দাও পাহারা  
গণ্ডি ছেড়ে যায় সে খোশে  
অমনি হলে বাঁধনহারা।

كَمْ حَسَنَتْ لَذَّةَ الْمَرَّةِ قَاتِلَةً  
مِنْ حَيْثُ لَمَّيْدٍ رَأَى السَّمَاءَ فِي الدَّسَمِ

১০ ৭

২১. দুষ্ট রিপু ভোগ বিলাসে  
নয়ন মোহন দেখায় সোজা  
চর্বিতে যে গরল থাকে  
সহজে তা যায় না বোঝা।

وَإِخْشَاءَ الدَّسَائِسِ مِنْ جُوعٍ وَمِنْ شَبَعٍ  
فَرَبَّ مَخْصَصَةٍ شَرُّ مِنَ التَّخَمِ

১১ ৮

২২. রিপু-ক্ষুধার ছোবল হতে  
সতর্কতায় থাকবে অতি  
ক্ষুধার চেয়ে অতিভোজন  
বদহজমে দারুণ ক্ষতি।

وَأَسْتَفْرِغِ الدَّمَ مِنْ عَيْنٍ قَدْ اِمْتَلَأَتْ  
مِنَ الْمَحَارِمِ وَالزَّمْرِ حَيَّةَ النَّدَمِ

১২ ৮

২৩. চের জমেছে পাপের বোঝা  
বহাও চোখে অশ্রুধারা  
হয় না মোচন পাপের কালি  
অনুতাপের কান্না ছাড়া।

وَخَالَفَ النَّفْسَ وَالشَّيْطَانَ وَاعَصِيَهُمَا  
وَأَنَّ هُمَا مُحْضَاكَ النَّصْحِ فَاتَّهَمَ

১২

২৪. উল্টো চলো শয়তানের ও  
দুষ্ট রিপুর হর হামেশা  
মন্দ কাজের মন্ত্রদানই  
এদের পেশা এদের নেশা।

وَلَا تُطْعَمُ مِنْهُمَا خَصْبًا وَلَا حَكَمًا  
فَأَنْتَ تَعْرِفُ كَيْدَ الْخَصْمِ وَالْحَكَمِ

১০

২৫. এই দু'জনা দুষ্ট ভীষণ  
পথটা এদের দারুণ টেরা  
নেই সেখানে ভালোর কিছু  
যেই খানেই থাক না এরা।



اسْتَغْفِرُ اللَّهَ مِنْ قَوْلٍ بِإِلَاعَمَلٍ  
لَقَدْ نَسَبْتُ بِهِ نَسْلًا لِذِي عُقْمٍ

২৭

২৬. কর্মবিহীন ভাষণ থেকে  
শরণ যাচি আল্লা পাকের  
বক্ষ্যা নারীর বংশধারার  
দাবী নিছক উপহাসের।

أَمَرْتُكَ الْخَيْرَ لَكِنْ مَا أَتَمَرْتُ بِهِ  
وَمَا اسْتَقَمْتُ فَمَا قَوْلِي لَكَ اسْتَقِم

২৮

২৭. দিই উপদেশ ভালো কাজের  
খোদ চলেছি মন্দ পথে  
এই নসিহত শুধুই ফাঁকা  
দেয় না সুফল কোনো মতে।

وَلَا تَزَوَّدْتُ قَبْلَ الْمَوْتِ نَافِلَةً  
وَلَمْ أَصِلْ سِوَى فَرَضٍ وَلَمْ أَصْمِ

২৯

২৮. আখেরাতের দীর্ঘ পথের  
নেই পাথেয় শূন্য খামার  
ফরয রোজা নামাজ ছাড়া  
নফল কিছু নেইকো আমার।

## الفصل الثالث

فَمَدَحُ رَسُولِ اللَّهِ صَلَّى اللَّهُ عَلَيْهِ وَسَلَّمَ

রসূলুল্লাহ (সঃ)-এর প্রশংসা

ظَلَمْتُ سُنَّةَ مَنْ أَحْيَى الظَّلَامَ إِلَى  
إِنْ أَشْتَكْتُ قَدَمَاهُ الضَّرْمَنَ وَرَمِ

২৯

২৯. তরীকা তাঁর ত্যাগ করেই  
করছি যুলুম পড়ছি ভুলে  
দাঁড়িয়ে থেকে সালাতে যার  
চরণ যুগল উঠতো ফুলে।

وَشَدَّ مِنْ شَغَبِ أَحْشَاءِهِ وَطَوَى  
تَحْتَ الْحِجَارَةِ كَشْحًا مَتَرَفَ الْأَدَمِ

৩০

৩০. বাঁধেন কাপড় পাক উদরে  
দারুণ ক্ষুধার তীব্র জ্বালায়  
কুসুম তনু রাখতে ঝজু  
কঠিন শিলা বাঁধেন মাজায়।

وَرَاوَدَتْهُ الْجِبَالُ الشَّامُ مِنْ ذَهَبٍ  
عَنْ نَفْسِهِ فَاَرَاهَا اَيَّامًا شَمَمَ

৩১. সেনার পাহাড় সামনে এলো  
মুখ ফিরাবেন অবহেলে  
আরাম আয়েশ তুচ্ছভরে  
দুই চরণে দিলেন ঠেলে।

وَاَكَّدَتْ زُهْدَهُ فِيهَا ضَرُورَتُهُ  
اِنَّ الضَّرُورَةَ لَا تَعْدُوْا عَلٰى الْعِصْمِ

৩২. অভাব তাঁকে করল উচু  
অভভেদী গিরির মত  
তাঁর সততা গুণের কাছে  
তামাম জাহান হলো নত।

وَكَيْفَ تَدْعُوْا اِلَى الدُّنْيَا ضَرُورَةً مِّنْ  
لَّوْلَاهُ لَمْ تَخْرُجِ الدُّنْيَا مِنَ الْعَدَمِ

৩৩. কেমনে তাঁকে করবে কাবু  
লোভ-লালসার মোহন মায়া  
বিশ্ব ভুবন যার কারণে  
নাশি থেকে পাইল কায়া।

مُحَمَّدٌ سَيِّدُ الْكَوْنَيْنِ وَالثَّقَلَيْنِ  
وَالْفَرِيقَيْنِ مِنْ عَرَبٍ وَمِنْ عَجَمٍ

৩৪. প্রিয়নবী 'মুহম্মদ'ই  
দুই জাহানের মহান নেতা  
আরব-আজম অধিপতি  
বিশ্বগুরু জগৎ জেতা।

نَبِيَّنَا الْاَمْرُ النَّاهِي فَلَا اَحَدٌ  
اَبْرَ فِي قَوْلٍ لَّامِنُهُ وَلَا نَعَمَ

৩৫. আদেশ-নিষেধ হা ও না-এর  
হুকুমদাতা নবী আমার  
সত্য-সঠিক হুকুম জারীর  
নেই যে কোনো তুলনা তাঁর।

هُوَ الْحَبِيبُ الَّذِي تَرَجَّى شَفَاعَتُهُ  
لِكُلِّ هَوٍ مِنَ الْاَهْوَالِ مُقْتَحِمٍ

৩৬. প্রিয় সখা খোদ এলাহির  
পরকালের কাণ্ডারী সে  
কঠোর কঠিন বিপদকালে  
মুক্তি দয়ার ভাণ্ডারী সে।

دَعَا إِلَى اللَّهِ فَالْتَمَسُوا بِهِ  
مُسْتَمْسِكُونَ بِحَبْلِ غَيْرِ مُنْفَصِمٍ

২৭

৩৭. ডাকলো তাঁহার সত্য পথে  
সেই ডাকে দেয় দৃপ্ত সাড়া  
শক্ত হাতে বজ্র অটুট  
রজ্জু কষে ধরলো তারা।

فَاقَ النَّبِيِّينَ فِي خَلْقٍ وَفِي خُلُقٍ  
وَلَمْ يُدَانُوهُ فِي عِلْمٍ وَلَا كَرَمٍ

৩৮

৩৮. জ্ঞানে-গুণে ধী মনীষায়  
নবীকুলের শ্রেষ্ঠ নবী  
সব অনুপম সব বেনজীর  
স্বভাব চরিত সুরত ছবি।

وَكُلُّهُمْ مِّنْ رَّسُولِ اللَّهِ مَلْتَمِسٌ  
غُرْفًا مِّنَ الْبَحْرِ أَوْ رَشْفًا مِّنَ الدِّيمِ

৩৯

৩৯. সকলে তাঁর সাগর থেকে  
আজলা পানি যাচনা করে  
এই বাদলের বিন্দু বারি  
সবাই মাগে সকাতরে।

وَوَافِقُونَ لَدَيْهِ عِنْدَ حَدِّهِمْ  
مِنْ نَّقْطَةِ الْعِلْمِ أَوْ مِنْ شَكْلَةِ الْحَكْمِ

৪০

৪০. সবাই যে তাঁর জ্ঞান মনীষার  
সাগর বেলায় অপেক্ষমাণ  
সবাই গভীর পিয়াস নিয়ে  
বিন্দু বারি চায় অনুদান।

فَهُوَ الَّذِي تَمَّ مَعْنَاهُ وَصُورَتُهُ  
ثُمَّ اصْطَفَاهُ حَبِيبًا بَارِئُ النَّسَمِ

৪১

৪১. পূর্ণ, নিখুঁত, নজিরবিহীন  
মন মননে ছায়ায় কায়ায়  
স্রষ্টা স্বয়ং বন্ধু বলে  
করলো বরণ গভীর মায়ায়।

مَنْزَهُ عَنِ شَرِيكَ فِي مَحَاسِنِهِ  
فَجَوْهَرُ الْحُسْنِ فِيهِ غَيْرُ مُنْقَسِمٍ

৪২

৪২. সকল গুণের মৌল আদিম  
উৎসধারা রূপ সুষমার  
শরীকবিহীন ভাজ্যবিহীন  
অদ্বিতীয় সত্তা যে তাঁর।

دَعَا مَا ادَّعَتْهُ النَّصَارَىٰ فِي نَبِيِّهِمْ  
وَأَحْكُمَ بِمَا شِئْتَ مَدْحًا فِيهِ وَلِحُكْمِ

২২

৪৩. নবী ঈসায় নাসারাগণ  
খোদার বেটা ডাকছে ভুলে  
সেইটি বাদে নবীগুণের  
গান গেয়ে যাও পরান খুলে।

وَأَنْسَبُ إِلَىٰ ذَاتِهِ مَا شِئْتَ مِنْ شَرَفٍ  
وَأَنْسَبُ إِلَىٰ قَدْرِهِ مَا شِئْتَ مِنْ عِظَمٍ

২২

৪৪. মহত্ত্বগুণ মর্যাদা মান  
উচ্চ থেকে উচ্চতর  
তাঁর সুবিশাল সত্তা সনে  
যতোই খুশী যুক্ত করো।

فَإِنَّ فَضْلَ رَسُولِ اللَّهِ لَيْسَ لَهُ  
حَدٌّ فَيُعْرَبُ عَنْهُ نَاطِقٌ بِفَمٍ

২৫

৪৫. কেননা সেই মহানবীর  
নেই কোনো শেষ গুণ গরিমার  
উর্ধ্বে তিনি বাগ্মী, কবির  
সব বয়ানের সাধ্যসীমার।

لَوْ نَاسَبَتْ قَدْرَهُ آيَاتُهُ عِظَمًا  
أَحْيَىٰ اسْمُهُ حِينَ يَدْعَىٰ دَارِسَ الرَّمِّمِ

২৬

৪৬. সেই সুমহান সত্তা এমন  
ডাকলে পূত নাম নিয়ে তাঁর  
জীবন পেয়ে উঠবে হেসে  
হাজামজা গলিত হাড়।

لَمْ يَمْتَحِنًا بِمَا تَعَىٰ الْعُقُولُ بِهِ  
حِرْصًا عَلَيْنَا فَلَمْ نَرْتَبْ وَلَمْ نَهَم

২৭

৪৭. দয়াল তিনি তাঁর সুবিশাল  
হৃদয়খানি দরদ ভরা  
এমন হুকুম দেননি তিনি  
অসাধ্য যা পালন করা।

أَعْيَىٰ الْوَرَىٰ فِيهِمْ مَعْنَاهُ فَلَيْسَ يَرَىٰ  
لِلْقُرْبِ وَالْبَعْدِ فِيهِ غَيْرُ مُنْفَجِحٍ

২৮

৪৮. সত্তা তাঁহার দীপ্ত রবি  
তীব্র জ্যোতির উৎসধারা  
দেখতে কি চাও পূর্ণ রূপে?  
ঝলসে যাবে নয়নতারা।

كَالشَّمْسِ تَطْهَرُ لِلْعَيْنَيْنِ مِنْ بَعْدِ  
صَغِيرَةٍ وَتَكِلُ الطَّرْفُ مِنْ أَمَمٍ

১৭

৪৯. দূর থেকে ওই আদিত্যকে  
দেখায় ছোট, নিকট গেলে  
ক্ষর তেজের দীপ্ত তনু  
যায় না দেখা নয়ন মেলে।

وَكَيْفَ يَدْرِكُ فِي الدُّنْيَا حَقِيقَتَهُ  
قَوْمٌ تَيَّامٌ تَسَلُّوا عَنْهُ بِالْحُلُمِ

৫০

৫০. ব্যর্থ হলো কাছের মানুষ  
বুঝতে যে রূপ চিত্তহারী  
সেই সুষমার তত্ত্ব গভীর  
বুঝবে কী আর স্বপ্নচারী।

فَمَبْلَغُ الْعِلْمِ فِيهِ أَنَّهُ بَشَرٌ  
وَأَنَّهُ خَيْرُ خَلْقِ اللَّهِ كُلِّهِمْ

৫১

৫১. এই টুকুনে তুষ্ট থাকো  
তিনিই সেরা সৃষ্টি খোদার  
মানব বটে—তবু ধরায়  
নেই যে কোনোই তুলনা তাঁর।

وَكُلُّ أَيْ اتَى الرُّسُلُ الْكَرَامُ بِهَا  
فَإِنَّمَا اتَّصَلَتْ مِنْ نُورِهِ بِهِمْ

৫২

৫২. তার মহান নূর উৎসভূমি  
সকল নবীর সব মোজেষ্যার  
এ নূর বলেই দেখান তাঁরা  
যুগে যুগে নিশান খোদার।

فَإِنَّهُ شَمْسٌ فَضْلٌ هُمْ كَوَاكِبُهَا  
يُظْهِرْنَ أَنْوَارَهَا لِلنَّاسِ فِي الظُّلَمِ

৫৩

৫৩. সূর্য তিনি—তাঁর আকাশে  
নবী সমাজ গ্রহ-তারা  
তাঁরই জ্যোতির কেন্দ্র থেকে  
সবাই পেলো জ্যোতির ধারা।

حَتَّى إِذَا اطَّلَعَتْ فِي الْكَوْنِ عَمَّ هُدَاهَا  
الْعَالَمِينَ وَاحِيَتْ سَائِرَ الْأُمَمِ

৫৪

৫৪. উদয় হতে সেই দিবাকর  
নিখিল ভুবন উঠলো মাতি  
সেই সুবিমল আলোক ধারায়  
করলো গাহন সকল জাতি।

اَكْرَمَ بِخَلْقِ نَبِيِّ زَانَهُ خُلُقُ  
بِالْحَسَنِ مُشْتَمِلٍ بِالْبَشَرِ مُتَّسِمٍ

৫৫

৫৫. চারু স্বভাব মঞ্জু কায়  
দেহ মনের রূপ মাধুরী  
দুয়ে মিলে সেই অপরূপ  
রূপকুমারের নেই যে জুড়ি।

كَالزَّهْرِ فِي تَرْفٍ وَالْبَدْرِ فِي شَرْفٍ  
وَالْبَحْرِ فِي كَرٍّ وَالذَّهْرِ فِي هِمٍّ

৫৬

৫৬. কোমলতায় গোলাপ কলি  
উজ্জ্বলতায় তারাপতি  
বদান্যতায় মহাসাগর  
শৌর্যে অমোঘ কালের গতি।

كَانَهُ وَهُوَ فَرْدٌ فِي جَلَالَتِهِ  
فِي عَسَاكَرٍ حِينَ تَلْقَاهُ وَفِي حَشَمٍ

৫৭

৫৭. কুসুম কোমল তবু যে তাঁর  
স্বভাবসুলভ তেজঃমহিমায়  
একলাকেও মনে হতো  
ঘেরা বিপুল সৈন্য-সেনায়।

كَانَمَا اللَّوْلُؤُ الْمَكْنُونُ فِي صَدَفٍ  
مِنْ مَعْدِنِي مَنْطِقٍ مِنْهُ وَمُبْتَسِمٍ

৫৮

৫৮. মুচকি হাসির অন্তরালে  
ঝিলিক হানে দন্ত সারি  
যেন সাগর-ঝিনুক থেকে  
আনলো তাজা মুক্তো পাড়ি।

لَا طِيبَ يَعْدِلُ تَرْبَا ضَمًّا عَظْمَهُ  
طَوْبِي لِمُنْتَشِقٍ مِنْهُ وَمُلْتَمٍ

৫৯

৫৯. শয়ান তিনি যেই মাটিতে  
খোশবু যে নেই তার মতো আর  
ভাগ্য দারাজ চুমলো যারা  
শুঁকলো যারা সুরভি তার।

## الفصل الرابع

فِي مَوْلَا النَّبِيِّ صَلَّى اللَّهُ عَلَيْهِ وَسَلَّمَ

বিশ্বনবীর আবির্ভাব

أَبَانَ مَوْلَاهُ عَنْ طَيْبٍ عَنْصَرِهِ  
يَا طَيْبٌ مَبْتَدَأٌ مِنْهُ وَمُخْتَتَمٌ

৬০. অন্ত-আদি সব উপাদান

পবিত্র যার পূর্ণ নূরে

আবির্ভাবে সেই নায়কের

লাগলো চমক বিশ্ব জুড়ে।

يَوْمُ تَفَرَّسَ فِيهِ الْفُرْسُ أَنَّهُمْ  
قَدْ أُنْذِرُوا بِحُلُولِ الْبُؤْسِ وَالنِّقَمِ

৬১. উঠলো কেঁপে ইরান ভূমি

রইলো না আর বাকী বুঝার

মঞ্চ হাজির ন্যায়ের রাজা

সময় খতম অগ্নিপূজার।

وَبَاتَ أَيَّوَانُ كِسْرَى وَهُوَ مُنْصَدِّعٌ  
كَشَمَلِ أَصْحَابِ كِسْرَى غَيْرَ مُلْتَمِ

৬২. ধরলো ফাটল খসরু রাজের

বালাখানার উচ্চশিরে

লাগলো বিবাদ সৈন্যদলে

এলো না আর শান্তি ফিরে।

وَالنَّارُ خَامِدَةٌ الْأَنْفَاسِ مِنْ أَسْفٍ  
عَلَيْهِ وَالنَّهْرُ سَاهِي الْعَيْنِ مِنْ سَدَمٍ

৬৩. সেই বেদনার দীর্ঘশ্বাসে

নিভলো পূজার বহিঃশিখা

শুকিয়ে গেলো ফোরাত নদীর

সলিলধারা চলন্তিকা।

وَسَاءَ سَاوَةٌ أَنْ غَاضَتْ بِحَيْرَتِهَا  
وَرَدَّ وَارِدُهَا بِالْغَيْظِ حِينَ ظَلَمَ

৬৪. সাওয়া হৃদের অম্বুরাশি

শুষ্ক হলো সেই বেদনায়

জলকে চলো পিয়াসু দল

ফিরে গেলো ভগ্ন হিয়ায়।

كَانَ بِالنَّارِ مَا بِالمَاءِ مِنْ بَلَدٍ  
حُزْنًا وَبِالمَاءِ مَا بِالنَّارِ مِنْ ضَرَمٍ

১০

৬৫. অগ্নি যেন সলিল হলো  
সলিল পেলো রূপ আগুনের  
সেই বিষাদে সর্বব্যাপী  
বইলো তুফান ইনকিলাবের।

وَالْجِنَّ تَهْتَفُ وَالْأَنْوَارُ سَاطِعَةٌ  
وَالْحَقُّ يَظْهَرُ مِنْ مَعْنَى وَمِنْ كَلِمٍ

১১

৬৬. জানিয়ে দিলো জিনেরা তাঁর  
আবির্ভাবের খোশ খবরী  
ছড়িয়ে গেলো সেই বারতা  
ত্বরিত বেগে ভুবন ভরি।

عَمَّوْا وَصَمُّوْا فَاعْلَانُ الْبَشَائِرِ لَمْ  
تُسْمَعْ وَبَارِقَةُ الْإِنْدَارِ لَمْ تُشْم

১৭

৬৭. ঘাড় ঝাঁকিয়ে রইলো তবু  
অন্ধ বধির ভ্রান্ত কাফের  
জাগালো না হৃদে সাড়া  
দীপ্ত নিশান নবুওয়াতের।

مِنْ بَعْدِ مَا أَخْبَرَا الْأَقْوَامَ كَاهِنُهُمْ  
بِأَنَّ دِينَهُمُ الْمَعْرُوجَ لَمْ يَصْلُ

১৮

৬৮. আকাশ হতে উজ্জল তারা  
পড়লো খসে মাটির ভূমে  
দেব দেবীদের মূর্তিগুলো  
উল্টে পড়ে জমিন চুমে।

وَبَعْدَ مَا عَاينُوا فِي الْأَفْقِ مِنْ شُهُبٍ  
عُنُقُضَةٍ وَفَقَ مَا فِي الْأَرْضِ مِنْ ضَمِيمٍ

১৭

৬৯. জ্যোতিষ তাদের বলেছিলো  
ভ্রান্ত ধরম টিকবে না আর  
তবু অটল রইলো তাতে  
জ্ঞান করে সে মিথ্যাকে সার।

حَتَّى غَدَا عَنْ طَرِيقِ الْوَحْيِ مِنْهُمْ زِمٌ  
مِنَ الشَّيَاطِينِ يَقْفُوا أَثْرَ مَنْهُمْ زِمٌ

৭.

৭০. শয়তানেরা নিক্ষেপিত  
অগ্নিবাণের তীব্র জ্বালায়  
ওহীর আকাশ-সড়ক ছেড়ে  
একের পিছে অন্যে পালায়।



كَانَهُمْ هَرَبًا أَبْطَالُ أَبْرَهَةَ  
أَوْ عَسْكَرُ بِلَالِ الْحَصَى مِنْ رَاحَتِيهِ رُمُ

৭১

৭১. পালায় যথা হস্তিসেনা

আব্রাহা শা' মহাপাপীর

নিষ্কপিত নবীর ধুলায়

কিংবা যথা পালায় কাফির।

نَبَذَآبِهِ بَعْدَ تَسْبِيحِ بَيْطْنِهِمَا  
نَبَذَ الْمَسِيحِ مِنْ أَحْشَاءِ مُلْتَقِمِ

৭২

৭২. ইউনুস নবীর তসবি পাঠে

মৎস্য যথা শীঘ্র অতি

উদগারি তায় ফেলল চরায়

অধীর হয়ে তীব্রগতি

তেমনি নবীর হস্ত হতে

কাঁকরগুলো তসবিরত

ধাইল ত্বর লক্ষ্যভেদী

তীক্ষ্ণ গতি তীরের মতো।

## الفصل الخامس

فِي ذِكْرِ مَنْ دَعَوْتِهِ صَلَّى اللَّهُ عَلَيْهِ وَسَلَّمَ

সত্যের আহ্বান

جَاءَتْ لِدَعْوَتِهِ الْأَشْجَارُ سَاجِدَةً  
تَمْشِي إِلَيْهِ عَلَى سَاقٍ بِلَا قَدَمِ

৭৩

৭৩. চরণবিহীন বৃক্ষরাজি

মোর পিয়ারা নবীর ডাকে

হাজির হলো কাণ্ডভরে

সিজদারত পত্রে শাখে।

كَانَنَا سَطَرَتْ سَطْرًا لَمَّا كَتَبَتْ  
فُرُوعُهَا مِنْ بَدِيعِ الْخَطِّ فِي اللَّقَمِ

৭৪

৭৪. আসলো তারা শির আনত

মুহাব্বতের গভীর টানে

আসলো যেন গুণ-গানের

পঙ্ক্তি লিখে তাঁহার শানে।

مِثْلُ الْغَمَامَةِ إِنِّي سَارَ سَائِرَةٌ  
تَقِيهِ حَرَّوْطَيْسٍ لِلْمَجِيرِ حِمَى

৭৫

৭৫. রৌদ্র তাপে চলতে পথে  
মাথার উপর বাদল এসে  
ধরতো ছায়া নিবিড়ভাবে  
শূন্য থেকে হাওয়ায় ভেসে।

أَقْسَمْتُ بِالْقَمَرِ الْمُنْشَقِّ إِنَّ لَهُ  
مِنْ قَلْبِهِ نِسْبَةً مَبْرُورَةَ الْقَسَمِ

৭৬

৭৬. চাঁদ বিদারণ বুক বিদারণ  
দুয়ের মাঝে মিল যে মেলা  
'খোদার কসম' দুই ঘটনা  
নূরের মেলা, নূরের খেলা।

وَمَا حَوَى الْغَارُ مِنْ خَيْرٍ وَمِنْ كَرَمٍ  
وَكُلُّ طَرْفٍ مِنَ الْكُفَّارِ عِنْدَ عَمٍ  
فَالصِّدْقُ فِي الْغَارِ وَالصِّدِّيقُ لَمْ يَرِيَا  
وَهُمْ يَقُولُونَ مَا بِالْغَارِ مِنْ أَرَمٍ

৭৭

৭৮

ظَنُّوا الْحَمَامَ وَظَنُّوا الْعَنْكَبُوتَ عَلَى  
خَيْرِ الْبَرِيَّةِ لَمْ تَنْسَجْ وَلَمْ تَحْمِ

৭৯

৭৭-৭৯ সওর গিরি গুহার কোলে  
লুকান নবী সংগোপনে  
চিরদিনের প্রাণের সাথী  
আবু বকর তাঁহার সনে।  
উভয় সাথী গুহার মাঝে  
তবু কাফির দেখতে না পায়  
চক্ষু তাদের অন্ধ হলো  
মহানবীর পাক মোজেয়ায়।  
দেখলো তারা উর্ণনাভে  
জাল বুনেছে গুহার মুখে  
তারই পাশে কবুতরে  
ডিম পেড়েছে মনের সুখে।  
বললো তারা এই গুহাতে  
কেউ ঢুকেনি আজ নিশীথে  
পুরান এসব শীঘ্র চলো  
তালাশ করি অন্য ভিতে।

وَقَاتِيَةُ اللَّهِ أَغْنَتْ عَنْ مُضَاعَفَةِ  
مِنَ الدَّرْوَعِ وَعَنْ عَالٍ مِنَ الْأُطْمِ

৮০

৮০. শত্রুকুলের বপুল রসদ  
তীর তলোয়ার দুর্গ থেকে  
ভয়-ভীতিহীন বেপরোয়া  
করলো খোদা তাঁর নবীকে।

مَا سَأَمَنِي الدَّهْرُ ضَيْمًا وَاسْتَجَرْتُ بِهِ  
إِلَّا وَنِلْتُ جَوَارًا مِنْهُ لَمْرِيضٍ

১১

৮১. যেই বিপদে যখন আমি  
তাঁর সমীপে চাইছি শরণ  
পেয়েছি তাঁর মদদ নিতি  
বিফল কভু হয়নি কখন।

وَلَا التَّمَسُّتُ غِنَى الدَّارَيْنِ مِنْ يَدِهِ  
إِلَّا اسْتَمْتُ النَّدَى مِنْ خَيْرِ مُسْتَلِمٍ

১২

৮২. দুই জাহানের নিয়ামতের  
যখনই যা দরবারে তাঁর  
যাচনা করে হাত পেতেছি  
ব্যর্থ কভু হইনি তো আর।

لَا تُنْكِرُ الْوَحْيَ مِنْ رُؤْيَاهُ إِنَّ لَهُ  
قَلْبًا إِذَا نَامَتِ الْعَيْنَانِ لَمَرِيضٍ

১২

৮৩. স্বপ্নতেও পেতেন ওহী  
পষ্ট দ্বিধা-দ্বন্দ্ব ছাড়া  
নয়নে তাঁর নিদ এলেও  
হৃদয় ছিলো তন্দ্রাহারা।

وَذَاكَ حِينَ بُلُوغٍ مِنْ نُبُوَّتِهِ  
فَلَيْسَ يُنْكِرُ فِيهِ حَالُ مُحْتَلَمٍ

১৬

৮৪. অপেক্ষা শেষ—সজ্জিত মন  
জ্যোতির্লোকের দীপ্ত ভূষায়  
স্বপ্নে ওহী শুরু হলো  
নবুওয়াতের রাঙা উষায়।

تَبَارَكَ اللَّهُ مَا وَحَّى بِمُكْتَسَبٍ  
وَلَا نَبِيٍّ عَلَى غَيْبٍ بِمُتَّهِمٍ

১০

৮৫. খোদার সেরা দান নবুওয়াত  
আহরণের বস্তু এ নয়  
গায়বী কথা কয় না নবী  
খোদার ওহী কণ্ঠে শোনায়।

آيَاتُهُ الْغُرَّا لَا يَخْفَى عَلَى أَحَدٍ  
بِدُونِهَا الْعَدْلُ بَيْنَ النَّاسِ لَمْ يَقُمْ

১৬

৮৬. মোজেয়া তাঁর পটতর  
দীপ্ত উজল চিহ্ন হকের  
কায়েম ছিলো সাধ্যাতীত  
এই ব্যতীত সত্য ন্যায়েয়।

كَمْ اَبْرَاتٍ وَصِبَابٍ بِاللَّسِّ رَاحَتُهُ  
وَاطْلَقَتْ اَرِيَابًا مِنْ رِبْقَةِ اللَّمَمِ

১৭

৮৭. কতোই হলো রোগ নিরাময়  
তাহার হাতের পরশ মেখে  
কতো পাগল মুক্তি পেলো  
উন্মাদনার শেকল থেকে।

وَاحِيَتِ السَّنَةَ الشَّرِبَاءَ دَعْوَتُهُ  
حَتَّى حَكَتْ غُرَّةً فِي الْأَعْصَرِ الدَّهْمِ

১৮

৮৮. খরায় মরা আকাল ভরা  
বর্ষ কতো সর্বনেশে  
দোয়াতে তাঁর জীবন পেলো  
ফুল-ফসলে উঠলো হেসে।

بِعَارِضٍ جَادَا وَخَلَّتِ الْبِطَاحَ بِهَا  
سَيِّبًا مِّنَ الْيَمِّ أَوْ سَيِّلًا مِّنَ الْعَرَمِ

১৯

৮৯. সেই দোয়াতে বিষ্টি জলের  
ঢল বয়ে যায় বাঁধনহারা  
'এরেম' বাঁধের দেয়াল ভেঙে  
বইল যেমন বন্যাধারা।

## الفصل السادس

### في ذكر شرف القرآن

কুরআনুল কারীমের মর্যাদা

دَعْنِي وَوَصِّفِي آيَاتٍ لَهُ ظَهَرَتْ  
ظُهُورُ نَارِ الْقُرْآنِ لَيْلًا عَلَى عِلْمِ

৯০

৯০. গিরি শিখর উজল করা  
দিক-দিশারী অগ্নি যথা  
দাও আমাকে বলতে এবার  
পুণ্যে ভরা সে সব কথা।

فَالدَّرُّ يَزِدُّ دَادَ حُسْنًا وَهُوَ مُنْتَظَمٌ  
وَلَيْسَ يَنْقُصُ قَدْرًا غَيْرَ مُنْتَظَمِ

৯১

৯১. মুক্তো মানিক গাঁথলে মালায়  
বাড়ে বটে তাহার শোভা  
না গাঁথলেও দীপ্তি সমান  
একই সমান মনোলোভা  
তেমনি কুরান করলে বয়ান  
দীপ্তি বাড়ে লোক সমাজের  
না করলেও বয়ান তাতে  
কোনই ক্ষতি নেই কুরআনের।

فَمَا تَطَاوَلْ أَمَالُ الْمَدِيحِ إِلَى  
مَا فِيهِ مِنْ كَرَمِ الْأَخْلَاقِ وَالشَّيْمِ

৭১

৯২. মহিমা তার এতোই বেশী  
উচ্চ এতো তাঁর মহাশির  
পায় কি কভু নাগাল তাঁহার  
কল্পনাতে কোনো কবির?

آيَاتُ حَقِّ مِنَ الرَّحْمَنِ مُحَدَّثَةٌ  
قَدِيمَةٌ صَفْهُهُ الْمَوْصُوفُ بِالْقَدَمِ

৭২

৯৩. অনাদি সেই সত্তা সম  
কালাম 'কাদিম' শুরুবিহীন  
অথচ তার অর্থমালা  
চির নতুন, চির নবীন।

لَمْ تَقْتَرَنْ بِزَمَانٍ وَهِيَ تُخْبِرُنَا  
عَنِ الْمَعَادِ وَعَنْ عَادٍ وَعَنْ إِرَمٍ

৭৩

৯৪. মুক্ত কালের পাঞ্জা থেকে  
তবু আছে বার্তা কালের  
খবর আছে বিচার দিনের  
আছে খবর 'আদ' 'এরেমের'।

دَامَتْ لَدَيْنَا فَفَاقَتْ كُلَّ مَعْجَزَةٍ  
مِنَ النَّبِيِّينَ إِذْ جَاءَتْ وَلَمْ تَدُمْ

৭৫

৯৫. সব কিতাবের শ্রেষ্ঠ কিতাব  
শ্রেষ্ঠ এ যে সব মোজ্জেরার  
শেষ হয়েছে সব মোজ্জেরা  
হবে না শেষ মোজ্জেরা তাঁর।

مُحْكَمَاتٌ فَمَا يَبْقَيْنَ مِنْ شُبِّهِ  
لِذِي شِقَاقٍ وَلَا يَبْغَيْنَ مِنْ حَاكِمٍ

৭৬

৯৬. আয়াতমালা পষ্টতর  
বিন্দুও লেশ নেই জড়তার  
সব বিচারের উর্ধ্বে কুরান  
উর্ধ্বে সকল দ্বন্দ্ব-দ্বিধার।

مَا حُورِبَتْ قَطُّ إِلَّا عَادَ مِنْ حَرْبٍ  
أَعْدَى الْأَعَادِي إِلَيْهَا مُلْقَى السَّلَامِ

৭৭

৯৭. নামলো যখন অরাতিকুল  
মোকাবেলায় এই কিতাবের  
বাধ্য হলো সন্ধি করায়  
ক্লান্তি বয়ে পরাজয়ের।

رَدَّتْ بِلَاغَتُهَا دَعْوَى مُعَارِضِهَا  
رَدَّ الْغَيُورُ يَدَ الْجَائِي عَنِ الْحَرَمِ

৯৮. সম্মানী বীর দুরাচারের  
হামলা যেমন ব্যর্থ করে  
মর্যাদা-মান পরিবারের  
রক্ষা করে সৌর্য ভরে  
তেমনি কুরান ভাষা এবং  
অলংকারে তার অনাবিল  
বিরোধীদের সকল চ্যালেঞ্জ  
অলীক দাবী করলো বাতিল।

لَهَا مَعَانِي كَمَوْجِ الْبَحْرِ فِي مَدَدٍ  
وَفَوْقَ جَوْهَرِهِ فِي الْحُسْنِ وَالْقِيمِ

৯৯. নিতুই বাড়ে মর্ম-মানে  
উর্মি সম নীল সাগরের  
হীরে মোতি পান্না থেকে  
কান্তি কিমত ঢের বেশী এর।

فَاتَعَدُّ وَلَا تُحْصَى عَجَائِبُهَا  
وَلَا تُسَامُ عَلَى الْإِكْثَارِ بِالسَّامِ

১০০. নেই অবসাদ তিলাওয়াতে  
অবাক অবাক মর্মে ভরা  
এর অবদান বিপুল বিশাল  
হিসাব নিকাশ যায় না করা।

قَرَّتْ بِهَا عَنُّ قَارِيَهَا فَقُلْتُ لَهُ  
لَقَدْ ظَفِرْتَ بِحَبْلِ اللَّهِ فَاَعْتَصِمْ

১০১. নয়ন শীতল হয় পঠনে  
বলছি শোনো পাঠকদেরে  
ধরেছো ঠিক অটুট রশি  
দিও না এই রজ্জু ছেড়ে।

إِنْ تَتْلُهَا خِيفَةً مِنْ حَرِّ نَارِ لَظِي  
أَطْفَأَتْ حَرَّ لَظِي مِنْ وَرْدِهَا الشَّيْبِ

১০২. এর তিলাওয়াত দেয় নিভিয়ে  
জাহান্নামের অগ্নিশিখা  
ভাগ্য দুয়ার দেয় খুলে এ  
পরায় ভালে বিজয়টিকা।

كَأَنَّهَا الْحَوْضُ تَبِيضُ الْوُحُوهِ بِهِ  
مِنَ الْعَصَاةِ وَقَدْ جَاءُوهُ كَالْحَمَمِ

১০৩. জান্নাতী জাম কাওছারের এ  
স্বচ্ছ শীতল পুণ্যধারা  
হয় উজালা এর পরশে  
পাপীর কালো রূপ চেহারা।

وَالصِّرَاطِ وَكَالْمِيزَانِ مَعْدِلَةً  
فَالْقِسْطُ مِنْ غَيْرِهَا فِي النَّاسِ لَمْ يَقُمْ

১০৪. ন্যায়বিচারের নিক্তি সঠিক

সৃষ্টি সড়ক পুলসিরাতের

ফরককারী ঈমান-কুফর

আলো-আঁধার, হক-বাতিলের।

لَا تَعْجَبَنَّ لِحُسُودٍ رَّاحَ يَنْكِرُهَا  
تَجَاهُلًا وَهُوَ عَيْنُ الْحَاذِقِ الْفَهِمِ

১০৫. বিদ্যাবিনোদ ধীমান কাফের

ঝুট বলে যে এই কুরানে

হিংসা-দ্বেষের ফল তা শুধু

মনে ঠিকই সত্য জানে।

قَدْ تَنَكَّرُ الْعَيْنُ ضَوْءَ الشَّمْسِ مِنْ رَمَدٍ  
وَيُنْكِرُ الْفَمُ طَعْمَ الْمَاءِ مِنْ سَقَمٍ

১০৬. চক্ষু পীড়ায় রোগীর কাছে

খরাপ লাগে সূর্য-আলো

রোগের দরুন মিঠে জলও

লাগে না আর জ্বিভে ভালো

তেমনি যতো পীড়িত জন

হৃদে যাদের ব্যারাম আছে

এই কুরানের মধুর বাণী

লাগবে খরাপ তাদের কাছে।

## الفصل السابع

فِي ذِكْرِ مِعْرَاجِ النَّبِيِّ صَلَّى اللَّهُ عَلَيْهِ وَسَلَّمَ

মি'রাজ

يَا خَيْرَ مَنْ يَمَّمُ الْعَافُونَ سَابِحَتَهُ  
سَعِيًّا وَفَوْقَ مُتَوْنِ الْإِيْنِقِ الرُّسْمِ

১০৭

১০৭. উট হাঁকিয়ে, পায়দলে কেউ

সুদূর মরু দিয়ে পাড়ি

তোমার দ্বারে দানের আশে

ভিড় করে সব যাচনাকারী।

وَمَنْ هُوَ الْآيَةُ الْكُبْرَى لِمُعْتَبِرٍ  
وَمَنْ هُوَ النِّعْمَةُ الْعُظْمَى لِمُفْتَئِمٍ

১০৮

১০৮. তুমি সেরা নজির নিশান

ধ্যানী-জ্ঞানী চিন্তাবিদের

শ্রেষ্ঠতর বিভব তুমি

ভদ্র মানী সম্মানীদের।

سَرَيْتَ مِنْ حَرَمٍ لَيْلًا إِلَى حَرَمٍ  
كَمَا سَرَى الْبَدْرُ فِي دَاجٍ مِّنَ الظُّلُمِ

১০৭

১০৯. পৌছলে রাতে এক হারামে  
আর হারামের প্রান্ত ছাড়ি  
পূর্ণমাসী চন্দ্র যেমন  
রাত-সাগরে জমায় পাড়ি।

وَبِتَّ تَرْقَى إِلَى أَنْ نِلْتَ مَنَزِلَةً  
مِّنْ قَابِ قَوْسَيْنِ لَمْ تَدْرِكْ وَلَمْ تَزِمِ

১১০

১১০. পৌছলে 'কাবা কাওসাইনে'  
দরবারে খোদ আল্লা' তলার  
অবাক সফর ভূমণ্ডলে  
করেনি কেউ কল্পনা যার।

وَقَدَّمْتَكَ جَمِيعُ الْأَنْبِيَاءِ بِهَا  
وَالرُّسُلُ تَقْدِيمَ مَخْدُومٍ عَلَى خَدَمِ

১১১

১১১. নবী সমাজ তোমায় নিয়ে  
করলো খাড়া সবার আগে  
ভৃত্য যেমন প্রভুকে তার  
দেয় এগিয়ে অগ্রভাগে।

وَأَنْتَ تَخْتَرِقُ السَّبْعَ الطَّبَاقَ بِهِمْ  
فِي مُوَكَّبٍ كُنْتَ فِيهِ صَاحِبَ الْعَلَمِ

১১২

১১২. সপ্ত আকাশ করলে সফর  
ফেরেশতাদের মিছিল লয়ে  
যেমন চলে সেনাপতি  
সবার আগে ঝাণ্ডা বয়ে।

حَتَّىٰ إِذَا لَمْ تَدَعْ شَاوِلَ مُسْتَبِقٍ  
مِّنَ الدُّنُوءِ وَلَا مَرَقًا لِّمُسْتَنِمٍ

১১৩

১১৩. অবশেষে পৌছলে খোদার  
নিকট থেকে নিকট আরো  
পৌছা যেথায় হয়নি এবং  
হবে না আর সাধ্য কারো।

حَفَظْتَ كُلَّ مَقَامٍ بِالإِضَافَةِ إِذْ  
نُودِيَتْ بِالرَّفْعِ مِثْلَ الْمُفْرَدِ الْعَلَمِ

১১৪

১১৪. সবায় পিছে ফেললে তুমি  
নেই তুলনা কারুর সনে  
ধন্য তুমি 'আরশে আলায়'  
একক রূপে আমন্ত্রণে।



كَيْمَا تَفُوزَ بِوَصْلِ أَيِّ مُسْتَحْتَرٍ  
عَنِ الْعُيُونِ وَسِرِّيَّ مَكْتَتِمٍ

১১৫

১১৫. সংগোপনে পার্শ্ব নিয়ে  
দিলেন খুলে রহস্য দ্বার  
নেই ক্ষমতা তুমি ছাড়া  
কারুরই তা জানার বুঝার।

فَخَرَّتْ كُلُّ فِخَارٍ غَيْرِ مُشْتَرَكٍ  
وَجَزَّتْ كُلُّ مَقَامٍ غَيْرِ مُزْدَحَمٍ

১১৬

১১৬. কামালতের সোপানরাজি  
নীরব ধ্যানে সব হয়ে পার  
পৌছলে তুমি এককভাবে  
শীর্ষ চূড়ে সব মহিমার।

وَجَلَّ مِقْدَارُ مَا أُوْلِيَتْ مِنْ رُتَبٍ  
وَعَزَّ ادْرَاكُ مَا أُوْلِيَتْ مِنْ نَعَمٍ

১১৭

১১৭. দিলেন তোমায় যেই নিয়ামত  
নেই যে কোনো তুলনা তার  
পেয়েছো তা একাই তুমি  
কাউকে দেয়া হয় নি যে আর।

بُشْرَى لَنَا مَعْشَرَ الْإِسْلَامِ إِنَّ لَنَا  
مِنَ الْعِنَايَةِ رُكْنًا غَيْرَ مِنْهُمْ دِمٍ

১১৮

১১৮. ভাগ্য দারাজ এ মিষ্টাতের  
খোদার প্রিয় রাসূল আমীন  
করলো কায়েম এমন খুঁটি  
ধ্বংস যাহার নেই কোনো দিন।

لَمَّا دَعَى اللَّهُ دَاعِيَنَا إِطَاعَتِهِ  
بِأَكْرَمِ الرُّسُلِ كُنَّا أَكْرَمَ الْأُمَمِ

১১৯

১১৯. খোদার দয়ায় মোদের রাসূল  
সব রাসূলের সেরা রাসূল  
তেমনি মোরা সকল জাতির  
সেরা জাতি নেই তাতে ভুল।

## الفصل الثامن

فِي ذِكْرِ حَيْدِ النَّبِيِّ صَلَّى اللَّهُ عَلَيْهِ وَسَلَّمَ

জিহাদ

رَاعَتْ قُلُوبَ الْعِدَى أَنْبَاءُ بَعْثِهِ  
كَنْبَاءٌ أَجْفَلَتْ غُفْلًا مِنَ الْغَنَمِ

১১০

১২০. আবির্ভাবে বিশ্বনবীর

কাঁপল হিয়া অরাতিদের

কাঁপে যেমন মেঘের হিয়া

ঘোর নিনাদে সিংহরাজের।

مَا زَالَ يَلْقَاهُمْ فِي كُلِّ مُعْتَرَكٍ  
حَتَّى حَكُوا بِالْقِنَالِ حِمَاً عَلَى وَضَمِّ

১১১

১২১. বীর নবীজীর মোকাবেলায়

শত্রুসেনা যুদ্ধ মাঠে

চূর্ণ হতো, চূর্ণিত হয়

গোশত যেমন কসাই-কাঠে।

وَدُّوا الْفِرَارَ فَكَادُوا يَغِيظُونَ بِهِ  
أَشْلَاءَ شَالَتْ مَعَ الْعِقْبَانِ وَالرُّحْمِ

১১২

১২২. প্রতি লড়াই শত্রুকুলের

ঘোর পরাজয় আনতো বয়ে

ভাবতো যদি পালান যেতো

চিল-শকুনের সংগী হয়ে।

تَمْضَى اللَّيَالِي وَلَا يَدْرُونَ عِدَّتَهَا  
مَا لَمْ تَكُنْ مِنْ لَيَالِي الْأَشْهُرِ الْحُرْمِ

১১৩

১২৩. শঙ্কিত মন দিশেহারা

এতোই ছিলো শত্রু কাফের

ভুলে যেতো রাতের খবর

সময় ছাড়া হারাম মাসের।

كَانَمَا الدِّينُ ضَيْفٌ حَلَّ سَاحَتِهِمْ  
بِكُلِّ قَرْمٍ إِلَى لَحْمِ الْعِدَى قَرْمِ

১১৪

১২৪. সেই বাহাদুর জংগী সেনার

অতিথি রূপে ছিলো এ দ্বীন

বৈরী সেনার রক্ত লোভী

ছিলো যারা যুদ্ধকালীন।

يَجْرُ بِحَرْخَمَيْسٍ فَوْقَ سَابِحَةٍ  
تَرْمِي بِمَوْجٍ مِنَ الْإِبْطَالِ مُلْتَطِمٍ

১১৫

مَكْفُولَةٌ أَبَدًا مِنْهُمْ بِخَيْرِ آبٍ  
وَخَيْرِ بَعْلٍ فَلَمْ تَيْتَمَّ وَلَمْ تَيْتَمَّ

১১৮

১২৫. করতো তারা হামলা ভীষণ  
আরবী তাজী অশ্বে চড়ে  
সাগর বেলায় উর্মি যথা  
ক্রুদ্ধ রোষে আছড়ে পড়ে।

১২৮. পতির ছায়ে পত্নী যেমন  
রয় নিরাপদ শঙ্কাহারা  
আমান হলো খোদার এ দ্বীন  
তাঁদের ছায়ে তেমনি ধারা।

مِنْ كُلِّ مُنْتَدِبٍ لِلَّهِ مُحْتَسِبٍ  
يَسْطُوبُ بِسُتَاصلٍ لِّلْكَفْرِ مُصْطَلِمٍ

১১৬

هُمْ الْجِبَالُ فَسَلَّ عَنْهُمْ مَصَادِمُهُمْ  
مَاذَا رَأَى مِنْهُمْ فِي كُلِّ مُصْطَدَمٍ

১১৭

১২৬. আত্মত্যাগী, পুণ্যকামী  
বীর মুজাহিদ মর্দে মুমিন  
ক্ষীপ্র বেগে আঘাত হেনে  
সব কুফরী করলো বিলীন।

১২৯. শত্রু সনে যুদ্ধকালে  
কেমন ছিলো অটল পাহাড়  
শুধাও রণ ভূমির কাছে  
পাবে অনেক সাক্ষী তাহার।

حَتَّى غَدَتْ مِلَّةُ الْإِسْلَامِ وَهِيَ بِهِمْ  
مِنْ بَعْدِ غُرْبَتِهَا مَوْصُولَةُ الرَّحِمِ

১১৭

فَسَلَّ حُنَيْنًا وَسَلَّ بَدْرًا وَسَلَّ أَحَدًا  
فُضُولَ حَتَفٍ لَهُمْ أَذْهَى مِنَ الْوَحَمِ

১২০

১২৭. মিটলো দ্বীনের দৈন্যদশা  
পূর্ণ হলো হিম্মতে মন  
ফিরলো সুদিন মিললো বহু  
সংগী সাথী বন্ধু স্বজন।

১৩০. বদর ও হুদ হুনায়েনের  
মাঠের কাছে শুধাও তুমি  
বলবে তা সব কাফির সেনার  
প্লেগ-ভয়াল বধ্যভূমি।

الْمُصَدِّرِ الْبَيْضِ حُمُرًا بَعْدَ مَا وَرَدَتْ  
مِنَ الْعِدَى كُلِّ مُسَوِّدٍ مِّنَ اللَّيْمِ

১২১

১৩১: হলো তাদের আক্রমণে

শুভ্র শ্বেত সব তরোয়াল

কৃষ্ণ-চিকুর তরুণ তাজা

শত্রু সেনার রক্তে যে লাল।

وَالْكَاتِبِينَ بِسْمِ الْخَطِّ مَا تَرَكْتَ  
أَقْلَامُهُمْ حَرْفَ جِسْمٍ غَيْرِ مُنْعَجِمٍ

১২২

১৩২: তাদের যতো পীত বরণ

তীরের ফলা তীক্ষ্ণতর

ব্যুহে পশি বৈরিকুলের

করলো তনু জরজর।

شَاكِيَ السِّلَاحِ لَهُمْ سِيْمَاتُ مِيزِهِمْ  
وَالْوَرْدُ يَمْتَازُ بِالسِّيْمَا مِنَ السَّلَامِ

১২৩

১৩৩: কাফির থেকে ভিন্ন তাদের

করলো সজুদ চিহ্ন ভালের

বাবুল কাঁটার মধ্যে যেমন

ভিন্ন শোভা লাল গোলাপের।

تَهْدِي إِلَيْكَ رِيَّاحُ النَّصْرِ نَشْرَهُمْ  
فَتَحَسَبُ الْوَرْدَ فِي الْأَكَامِ كُلِّ كَمٍ

১২৪

১৩৪: ছড়িয়ে যতো বিজয় খবর

বের হলেই অভিযানে

উতাল বায়ে ছড়ায় যথা

গোলাপ সুবাস সর্বখানে।

كَانَهُمْ فِي ظُهُورِ الْخَيْلِ نَبْتُ رَبٍّ  
مِنْ شِدَّةِ الْحَزْمِ لَا مِنْ شِدَّةِ حَزْمٍ

১২৫

১৩৫: অশ্ব পিঠে থাকতো লেগে

অটল আসন নিটোল কায়ে

তৃণ যেমন লেপটে থাকে

শেকড় গেড়ে টিলার গায়ে।

طَارَتْ قُلُوبُ الْعِدَى مِنْ بَاسِهِمْ فَرَقًا  
فَمَا تَفَرَّقُ بَيْنَ الْبِهِمِ وَالْبِهِمِ

১২৬

১৩৬: ভড়কে গেলো এমানি কাফির

চড়তে দেখে ছাগুন ছানা

ভয় পালাতো—ভাবতো মনে

আসছে মুমিন দিচ্ছে হানা।

وَمَنْ تَكُنْ بِرَسُولِ اللَّهِ نُصْرَتُهُ  
إِنْ تَلَقَّهِ الْأَسَدُ فِي أَجَامِهَاتِهِمْ

১৩৭

১৩৭. নবীর মদদ পেলো যারা  
দেখা হলে তাদের সনে  
যায় পালিয়ে সিংহ রাজও  
জানের ভয়ে গভীর বনে।

وَلَنْ تَرَى مِنْ وَلِيٍّ غَيْرِ مُنْتَصِرٍ  
بِهِ وَلَا مِنْ عَدُوٍّ غَيْرِ مُنْقَصِمٍ

১৩৮

১৩৮. এমন সাথী নেই নবীজীর  
কোনো মদদ পায়নি যে তার  
নেই অরি তাঁর এমন কোনো  
হয়নি ক্ষতি বরবাদী যার।

أَحَلَّ أَمَّتَهُ فِي حِرْزِ مَلَّتِهِ  
كَالَّذِي حَلَّ مَعَ الْأَشْبَالِ فِي أَجْمِ

১৩৯

১৩৯. রাখলো দ্বীনের দুর্গ মাঝে  
নিরাপদে শিষ্যগণে  
সিংহ যথা নিরাপদে  
রাখে শাবক গভীর বনে।

كَمْ جَدَلْتَ كَلِمَاتُ اللَّهِ مِنْ جَدَلٍ  
فِيهِ وَكَمْ خَصَّمَا الْبُرْهَانَ مِنْ خَصِمٍ

১৪০

১৪০. হারিয়ে দিলো দ্বন্দ্ব কুরান  
বৈরীদের অসংখ্য বার  
কতোই হলো পরাভূত  
শত্রু খর যুক্তিতে তাঁর।

كَفَاكَ بِالْعَالَمِ فِي الْأُمِّيِّ مُعْجَزَةً  
فِي الْجَاهِلِيَّةِ وَالتَّادِيْبِ فِي الْيُتْمِ

১৪১

১৪১. এতীম অনাথ উম্মী আবার  
আঁধার ঢাকা আরব ভূমি  
কী মোজেয়া! এরই মাঝে  
ভাষা-কলার বাদশা তুমি।

## الفصل التاسع

أَطَعْتُ غَيَّ الصَّبَا فِي الْحَالَتَيْنِ وَمَا  
حَصَلْتُ إِلَّا عَلَى الْإِثَامِ وَالنَّدَمِ

১৮৮

১৪৪. মত্ত রলাম কাব্য কলায়

সমাজ সেবার হট্টগোলে

পাপের বোঝায় ন্যূন্থ এখন

অনুতাপে মরছি জ্বলে।

فِيَا خَسَارَةَ نَفْسِي فِي تِجَارَتِهَا  
لَمْ تَشْتَرِ الدِّينَ بِالدُّنْيَا وَلَمْ تَسْمِ

১৮৯

১৪৫. কতোই ক্ষতি হলো রে-মন

দুনিয়াদারির মোহে পড়ি

দুনিয়া বেচে কিনলে না দীন

করলেও না দরাদরি।

وَمَنْ يَبِعْ أَجْلًا مِنْهُ بِعَاجِلِهِ  
يَبْنِ لَهُ الْغَبْنُ فِي بَيْعٍ وَفِي سَلَمٍ

১৯০

১৪৬. ইহকালের লাভের আশায়

বেচে যে সুখ পরকালের

ভাগ্যে তাহার আছে কেবল

দহন জ্বালা পরিতাপের।

فِي طَلَبِ مَغْفَرَةٍ مِّنَ اللَّهِ تَعَالَى وَشَفَاعَةِ مَنْ رَّسُولَ اللَّهِ صَلَّى اللَّهُ عَلَيْهِ وَسَلَّمَ

আল্লাহর ক্ষমা ও নবীজীর শাফায়াত প্রার্থনা

خَدَمْتُهُ بِمَدِيحٍ اسْتَقِيلَ بِهِ  
ذُنُوبَ عُمَرِ مَضَى فِي الشَّعْرِ وَاتَّخَذَ

১৯১

১৪২. পেয়ারা নবীর পাক কদমে

পেশ করিলাম এ নয়রানা

এই ওছিলায় গুনা খাতা

মাফ করে মোর হে রাব্বানা।

إِذْ قَلَّدَا نِي مَا تُخْشَى عَوَاقِبُهُ  
كَاتَّبَنِي بِهِمَا هَدًى مِنَ النُّعَمِ

১৯২

১৪৩. কুরবানির ওই পশুর মতো

গলায় রশি জবাই মাঠে

চলছি তবু উদাস বেভুল

রইছি মজে বিশ্ব-হাটে।

إِنْ أَتِ ذَنْبًا فَمَا عِھْدِي بِمُنْتَقِضٍ  
مِنَ النَّبِيِّ وَلَا جَلِيٍّ بِمُنْصَرِمٍ

১৮৭

১৪৭. পাপ করেছি ঢের যদিও  
তবু আশা এ বুক জুড়ে  
দিবেন নাকো দয়াল নবী  
বাধন ছিড়ে তাড়িয়ে দূরে।

فَإِنَّ لِي ذِمَّةً مِنْهُ بِتَسْمِيَّتِي  
مُحَمَّدًا وَهُوَ أَوْفَى الْخَلْقِ بِالذِّمَمِ

১৮৮

১৪৮. নামটি আমার নবীর নামে  
'মুহম্মদ'ই রাখার ফলে  
শাফায়াতের ভরসা তাঁহার  
রাখছি পুষে বুকের তলে।

إِنْ لَّمْ يَكُنْ فِي مَعَادِي أَخِذًا بِيَدِي  
فَضْلًا وَالْأَفْقَلُ يَا ذَلَّةَ الْقَدَمِ

১৮৯

১৪৯. দয়াল নবীর পাক শাফায়াত  
সেদিন যদি না পাই আহা!  
ধ্বংস ছাড়া ভাগ্যে তবে  
থাকবে না আর কোনই রাহা।

حَاشَاهُ أَنْ يُحْرِمَ الرَّاجِيَ مَكَارِمَهُ  
أَوْ يَرْجِعَ الْجَارِمُ مِنْهُ غَيْرَ مُحْتَرَمٍ

১৫০

১৫০. তাঁর সমীপে মদদ মেগে  
হয়নি তো কেউ ব্যর্থ কখন  
হয়নি বিফল শরণ যেচে  
লভেছে তাঁর অভয় শরণ।

وَمِنْذَ الزَّمْتُ أَفْكَارِي مَدَاحَهُ  
وَجَدْتُهُ لِيْخْلَاصِي خَيْرَ مُلْتَزَمٍ

১৫১

১৫১. ভাবছি মনে তাঁর তারিফের  
কাব্য-কুসুম মাল্য গাঁথি  
এই হবে মোর রোজ হাশরে  
বিপদকালের শ্রেষ্ঠ সাথী।

وَلَنْ يَّفُوتَ الْغِنَى مِنْهُ يَدَا تَرِبَتْ  
إِنَّ الْحَيَا يُنْبِتُ الْأَزْهَارَ فِي الْأَكْمِ

১৫২

১৫২. দান যেন তাঁর সিদ্ধু বারি  
কেউ ফেরে না রিক্তহাতে  
বাদল যথা ফলায় ফসল  
নিম্ন ভূমে—ফুল টিলাতে।

وَلَمَّا رَدَّ زَهْرَةَ الدُّنْيَا الَّتِي اقْتَطَفْتَ  
يَدَا زُهَيْرٍ بِمَا أَثْنَى عَلَى هَرَمٍ

১০১

১৫৩. সুনাম খ্যাতি পার্থিব লোভ

এই কাসীদার নেই যে আমার

ছিলো যেমন আরব কবি

জোহায়েরের কাব্য গাথার।

## الفصل العاشر

فِي ذِكْرِ الْمَنَاجَاتِ وَعَرْضِ الْحَاجَاتِ

মুনাজাত

يَا أَكْرَمَ الْخَلْقِ مَا لِي مِّنَ الْوُذْبِ  
سِوَاكَ عِنْدَ حُلُولِ الْحَادِثِ الْعَمِّ

১০২

১৫৪. তুমি ছাড়া প্রিয় রাসূল

নেই কেহ আর এ সংসারে

কঠোর কঠিন বিপদকালে

শরণ নেবো যাহার দ্বারে।

وَلَن يَضِيقَ رَسُولَ اللَّهِ جَاهُكَ بِي  
إِذَا الْكَرِيمُ تَجَلَّى بِاسْمِ مُنْتَقِمِ

১০৩

১৫৫. শেষ বিচারে মোর সুপারিশ

করলে তুমি—মহামতি

তোমার মহা উচ্চ শানের

হবে না তায় কোনোই ক্ষতি।



فَإِنَّ مِنْ جُودِكَ الدُّنْيَا وَضَرَّتْهَا  
وَمِنْ عُلُومِكَ عِلْمَ اللُّوحِ وَالْقَلَمِ

১৫৬

১৫৬ কেননা যে দুই জাহানই  
ফসল তোমার মহাদানের  
'লওহ' 'কলম' জ্ঞান পেলো তো  
অংশ থেকে তোমার জ্ঞানের।

يَا نَفْسُ لَا تَقْنَطِي مِنْ زَلَّةٍ عَظُمَتْ  
إِنَّ الْكِبَائِرَ فِي الْغُفْرَانِ كَاللَّمَمِ

১৫৭

১৫৭. প্রাণ রে! তুই নিরাশ কেনে  
যদিও তোর পাপ বেশুমার  
তার চে' বড় খোদার ক্ষমা  
শেষ সীমানা নেই সে ক্ষমার।

لَعَلَّ رَحْمَةَ رَبِّي حِينَ يَقْسِمُهَا  
تَأْتِي عَلَى حَسْبِ الْعُصْيَانِ فِي الْقِسَمِ

১৫৮

১৫৮. এই তো আশা—হবে বিশাল  
যার যতোই বোঝা পাপের  
হিস্যা পাবে সে ততোই  
তোমার অসীম রহমাতের।

يَا رَبِّ وَاجْعَلْ رَجَائِي غَيْرَ مُنْعَكِسٍ  
لَدَيْكَ وَاجْعَلْ حِسَابِي غَيْرَ مُنْخَرِمٍ

১৫৯

১৫৯. হাজির তোমার দরবারে রব  
অনেক আশা আরজু নিয়া  
কোরো না কো নিরাশ আমায়  
দিও না কো ভেঙে হিয়া।

وَالطُّفُفُ بِعَبْدِكَ فِي الدَّارَيْنِ إِنَّ لَهُ  
صَبْرًا مَتَى تَدْعُهُ الْأَهْوَالُ يَنْهَزِمِ

১৬০

১৬০. দুই জাহানে এ দুর্বলে  
ঢালো আশীষ প্রেম করুণার  
নয়তো বিভু হারিয়ে যাবে  
ঘোর বিপদে ধৈর্য তাহার।

وَأُذِّنْ لِسَحْبِ صَلَوةٍ مِنْكَ دَائِمَةً  
عَلَى النَّبِيِّ بِمَنْهَلٍ وَمُنْسَجِمٍ

১৬১

১৬১. দরুদ পাকের মেঘমালাকে  
দাও গো হুকুম হে 'জুলজালাল'  
নবীর পরে বিপুল ধারে  
বর্ষে যেন অনন্তকাল।

وَالْأَلُ وَالصَّحْبُ ثُمَّ التَّابِعِينَ لَهُمْ  
أَهْلُ الثَّقَى وَالنُّقَى وَالْحِلْمِ وَالْكَرَمِ

১৬২. আল আসহাব তাবেরীদের

ওপর ঝরাও শান্তিধারা

পরহেজগারী পবিত্রতা

সর্বগুণে ধন্য যারা।

ثُمَّ الرِّضَاعَنَ أَبِي بَكْرٍ وَعَنْ عُمَرَ  
وَعَنْ عَلِيٍّ وَعَنْ عُثْمَانَ ذِي الْكَرَمِ

১৬৩. আবু বকর ওমর আলী

ওসমান—এ চার খলিফায়

অনন্তকাল সিন্ত করে

রেখে তোমার আশীষ ধারায়।

مَا رَنَحْتَ عَذَابَاتِ الْبَانِ رِيْحُ صَبَا  
وَاطْرَبَ الْعَيْسَ حَادِي الْعَيْسِ بِالنِّغَمِ

১৬৪. প্রভাত সমীর 'বান' বিটপীর

দুলিয়ে যাবে শাখ যতোকাল

যতো দিনই হুদী গেয়ে

উট চালাবে উটের রাখাল

ততো দিনই প্রিয়নবী

আর যতো তাঁর সংগী সাথী

সবার ওপর ঝরাও তোমার

আশীষ বারি দিন ও রাতি।

فَاغْفِرْ لَنَا شِدْهَا وَاغْفِرْ لِقَارِئِهَا  
سَأَلْتُكَ الْخَيْرَ يَا ذَا الْجُودِ وَالْكَرَمِ

১৬৫

১৬৫. দয়াল ওগো! রচক পাঠক

শ্রোতা যারা এই কাসীদার

তাদের পরেও ঝরাও তোমার

আশীষ ধারা প্রেম করুণার।